



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 2. Quantitas & figura Britanniae.

urn:nbn:de:hbz:466:1-13147

LIBER SECUNDVS.

De Insulis Britannicis secundum veteres.

BRITANNICAS Antiqui vocauere Insulas illas omnes quæ supra Europam, in Septentrionem vergunt teste Plinio. Eas plerique veterum reuocauere in dubium; multi nouum orbem dixerunt: vnde Maro,

Et penitus toto divisos orbe Britannos.

Et Claudianus: — *Nostro diducta Britannia mundo.*

Porro in tres partes commodè diuidi possunt: Albionem, Hiberniam, & Minores Insulas.

CAPVT PRIMVM.

De Albione.

ITA dicitur Britannicarum maxima, de qua nobis octo consideranda sunt.

§. 1. *Nomina Britannia.*

Primum, Ortelius putat esse dictam CASSITERAM, vnde reliquæ Cassiterides, quoniam plumbi feraces erant.

Secundum, BRITANNIA: de cuius etymologia variae opiniones: quarum certissima, eam deducit à voce Britannica Breith, quæ coloratum sonat, quia indigenæ sua corpora inficiebant Glasso.

Tertium, BRITANNIA MAIOR, quo utitur in suo Almagesto Ptolemaeus.

Quartum, ALBION vel ab Albione Neptuni filio, vel à Græco ἄλφον; quoniam candicantibus rupibus ferè undeque præcincitatur.

§. 2. *Quantitas & figura Britannia.*

EAM Triquetram fecerunt omnes qui à Galliâ reuulsere, cui

Y

aliqui veterum eam alligabant, alij ab eâ separatam æstu maris credebant.

Longitudo eius Straboni est 4300. vel 4400. Stadiorum. Mariano Heracleotæ 5225. Cæsari 800. M. P. Solino 880. M. P. Xiphilino ex Dione 7132. Stadiorum. Diodoro Siculo 20000. Stadiorum.

Latitudo Plinio & Agrippæ ccc. M. P. Xiphilino minima 300. Stadiorum, maxima 2310. Heracleotæ 3083. Cæsari d. M. P. Diodoro 7500. Stadiorum.

Circutus Cæsari 2000. M. P. Pythæ & Isidoro apud Plinium 3825. M. P. Solino 4875. M. P. Diodoro 42500. Stadiorum.

§. 3. Qualitas Britannie.

IN ea considerantur fertilitas, & merces.

FERTILITAS. Terra erat adeò frugum ferax, ut tempore Iuliani Galliam & Germaniam penè aluerit; ita Zosimus & Marcelinus. Quamquam enim ex climate sit frigidior, nihilominus etiam veteres temperatiorem experti sunt; siue tepor existeret ex circumposito mari ut vult Minutius Felix, siue cum Tacito causam in humorem cæli, atque soli refundamus.

MERCES autem exportabantur ex Britanniâ.

1. Metalla omnis generis si ags eximæs: hoc est Aurum, Argentum, Ferrum, & Stannum optimum.

2. Pelles, ob venationes in quibus toti erant indigenæ.

3. Mancipia proceræ staturæ, sed pedibus malè suffultis. Strabo.

4. Canes venatici quos Agassæos vocabant: qui etiam hodie teste Camdeno nomen retinent Agasse-honnd.

5. Gemmæ, & Margaritæ, Indicis tantum inferiores. Gagates idem quem lithanthracem esse suspicatur Agricola.

§. 4. Mores Britannorum.

CVM conflati essent ex multis populis qui alias in eam confluxerant, ut putat Tacitus, non est mirum diuersos in eis extitisse mores.

VESTES aut pelliceas gerebant, aut nullas. Inficiebant enim sua corpora vitreo colore, seu vitro, hoc est Glasto, vnde cœru-